



Message de Noël 2016

### ***Nowele : elikya ekosalisa biso totambola malamumu pe tokende liboso***

Elikya ekobunga to ekosila o mboka ya biso solo ? Nabomoni makambo mazali koleka o mokili, tokoki komituna mituna miye :

- Elikya ezali wapi tango tokopekisa bato bazali kokima pasi mpe bitumba bayingela o ekolo ya biso zambi tokangemi na bobangi ?
- Elikya ezali wapi tango, mbala na mbala, bakonzi ya mboka bakozuaka mikano misengeli te po ya kosilisa mpasi ya ba Roms ?
- Elikya ezali wapi tango bilenge bazali kokutana na mikakatano ndenge na ndenge po ya kozua misala ?

Nzokande elikya nde ekotelemisa ekolo ya biso mpe ekosala'te bondeko, esengo mpe bomoyi bwa solo boyingela o kati ya biso. Esengeli boyeba'te esika elikya ezali te, bongayi, mawa mpe liwa nde biyingeli.

Bandeko, mbala esusu nde tokweyi na mutambu ya komilobela'te makambo mazali kotambola malamumu te, tokomi kobanga banga to kokangema biso moko. Soko pasi elekeli biso to mikakatano ndenge na ndenge, mbala esusu nde tokweyi na mutambo ya koboya lisalisi ya bandeko.

Na eyenga enene boye, nakosenge bino bofungola mitema epayi ya Nzambe oyo akozongisela biso elikya na boyei bwa mwana waye awa o nse. Na butu ya mbotama anzelu alobi maloba maye : « *nakosangela biso Nsango elamu, Nsango ya esengo mpo ya ekolo mobimba. Lelo mpenza o mboka Davidi baboteli bino mobikisi. Ye azali Kristu mpe mokonzi* » (Lc 2, 10-11).

Maloba maye ma elikya makosalisa biso totambola malamumu na nzela ya boyambi mpe tokende liboso. Atako ko nzela ezali naino molayi nabotalaka mambi maye tosengeli kobongisa o ekolo, o mabota, o misala mpe bisika tozali, elikya ya mbotama ya mwana ya Nzambe ekosalisa biso tozua makasi ya kosangela mokolo na mokolo bosolo bwa Nsango elamu.

Natombeli na bino banso, na mabota ma bino mpe na masanga ma bino, mbotama elamu.

+ Pascal Delannoy  
Episkopo ya Santu Denis ya France